

存
十
吳
集

上

宣統三年新年鑄

陳修園先生著

仲景存真集

藏板

仲景存真集序

從古聖賢著書立說其義精其旨遠其法尤備
而無偏雖歷久遺亡非學貫天人識通古今者
不容輕於補論慎失真也漢長沙太守張仲景
先師爲醫中之聖所著傷寒雜病論合十六卷
原以六經爲百病立法不專爲傷寒一科傷寒
雜病治無二理咸歸六經之節制六經各有傷
寒非傷寒中獨有六經其常中之變變中之常

靡不曲盡覽其全書卽可見病知源此張公之
活法實張公之真詮也惜晉王叔和分傷寒雜
病爲兩書而編次差謬仲景之真已失及林億
諸公較正不得仲景原集惑於傷寒論之名又
妄編三百九十七法一百一十三方以附會叔
和而仲景之真更失成無已矯然特出欲爲仲
景功臣以不得仲景真傳故註仲景書而旨多
不合作明理論而理反不明又不能辨許叔微

三方鼎立之謬反集諸註以開疑端於後人他
如方中行作條辨使仲景之規矩準繩益壞盧
子由作疏秘而仲景之法遂擾亂於不堪嗟乎
尙論愈竒則去理益遠條分愈新則古法益紊
仲景之真茂蕩然無三人了存矣幸近代名賢
柯韵伯先生嘗嘆仲景傷寒雜病合論天苞地
符爲眾法之宗羣方之祖尙論者泛涉則管窺
蠡測終身莫殫攬要則立珠妙諦罔象可求雜

以後人識見反爲塵飯土羹莫適於用由是卽
仲景金匱之遺因端竟要尋流溯源作爲二翼
復使原又合論之書昭如日星而其真不賴韵
伯之羽翼千載長存不墜哉時值末流道降術
升醫事不振習業者少讀書明理之士類皆畧
識之無並目不識丁輩故不特內難甲乙等經
未能窺其底蘊卽仲景傷寒雜病論與後人編
次論註亦真贗難辨也唯古濮吳蓬萊先生自

幼聰明穎異枕經胙史博雅宏通壯歲業醫上
自靈素下迄龍宮千金肘後青囊十三代之奇
書四大家之秘訣無不叅究其精微尤于韻伯
傷寒二翼獨能探驪得珠且受高人秘傳如飲
上池神水靈心慧目洞見臟腑其製方大法以
人合天悉按周天度數合陰陽升降河車運轉
而不息患人飲藥罔不坤轉乾旋賴爲起死回
生大藥王是以聲名大噪遠近執弟子禮奉爲

醫宗者不下數十人因卽韵伯傷寒二翼作歌
以教後學編成付梓門人執書求俚言以并首
卷余見其遙唸俯唱言簡意該仲景大法久掩
於論註輩而其真不出者唯先生出通天手眼
提綱標準去膚留液俾天下後世知六經爲百
病立法其理平而奇其用圓而神學人融會貫
澈自可法通來了萬千也夫仲景得韵伯而其
真存韵伯得蓬萊而其真長存韵伯與蓬萊不

共爲傳景之羽翼也耶

豈維

大清咸豐歲次乙卯桂月

拜識

瓊池後學芥城南



自序

醫之一道神聖爲之于前賢哲闡之于後上通
天紀下察地理調運和化燮理之功甚宏救弊
補偏匡扶之力更大其方甚多也其法甚備也
義理精深白首未易窺其奧編次繁雜青年難
盡讀其文倘非約繁詞而歸簡要諧聲律以著
歌詞則習是業者苦于記頌之難而售是術者
愧無淹貫之實所以臨症惛慌猜陰而復猜陽

川藥模糊失寒而更失熱智圓行方我未之見
胆大心細人其奚能吾是以志在活人務期立
人有術心存濟世恒慮壽世無方爰集成書作
爲聲歌遠紹仲景之說近體韻伯之註理求精
當而非出以私心詞謝浮華未常參以己意因
名其書曰仲景存真蓋存真則無僞無僞則可
傳真存則不雜不雜則可宗非好事也欲易曉
也奈付梓之時有徒恃已見不按書理將成編

而更數句者有矣將原句而改數字者有矣究
之駁而不醇雜而不精是存真反以亂真去偽
實以臻偽何以爲初學之津梁後人之法楷乎
余因再爲校正更加斟酌剷去舊板恐有畔乎
先賢刻作新書期無負乎後學庶幾天時寒暑
之不齊人事寢興之難節俾得共登春臺咸躋
壽域固余之所深期而厚望者也古濮蓬萊氏
題甲子初春也

長沙方小引

漢文藝志云湯液經出於商伊尹皇甫謐謂仲景論伊尹湯液
爲十數卷可知傷寒論金匱要略諸方除崔氏八味腎氣丸侯
氏黑散外皆伊尹之遺方也伊尹因內經只有十二方計於鍼
灸而略於藥遂宗神農經旨專以湯液治病補內經所未及長
沙得其真傳可謂大而化化而不可知矣然余讀傷寒論能近取
譬三句想見長沙當日必非泛泛而求大抵入手功夫卽以伊
聖之方爲據有此病必用此方用此方必用此藥其義精其法
嚴毫釐之判無一不了然於心而後從心變化而不窮論中桂
枝證麻黃證柴胡證承氣證等以方名證明明提出大眼目讀
者弗悟也然而可以謂之方者非聖人不能作非明者不能述

其藥品察五運六氣而取其專長其分兩因生剋制化而神其妙用宜湯宜散宜丸一劑分爲三服兩服頓服停後服溫服少冷服少少嚥之服後啜粥不啜粥多飲水煖水之類而且大煮微煮分合煮去滓再煮瀝取清汁或用水或用酒及漿水潦水甘瀾水麻沸水之不同宋元後諸書多略之而不知古人之心法在此其藥證分兩者法服法等所限弗能工也取傷寒論原文重加著疏書成二卷按方而細考之俾讀傷寒論者於人略我詳處得一捷便之法云耳

勸讀十則

一凡積重難反之勢驟奪其所好世必驚疑今且淺而商之明藥性始於神農本經論病情始於靈樞素問以藥治病始於伊尹湯液追漢仲師出集醫聖及上古相傳之經方著傷寒論及金匱玉函經二書外台謂又有小品一書今失傳方諸舉業家與四子書無異而猶有之者豈四子之書亦不可讀乎則以讀仲師書爲第一勸

一仲師書義古奧難讀卽劉張朱李四家

明時以劉河間與張長沙朱丹溪李

東垣爲四家此李士材之誤也張石

頑云張是張子和當知相鑑之誤

雖尊仲聖之名鮮有發

揮更有庸妄者顛倒是非謂仲師專工於傷寒其桂枝麻黃

只行於西北宜於冬月以芍蘇羌獨荊防等劑爲外感切用

之品以補中歸脾八珍六味等方爲難病平穩之方百病不
究根由只以多熱爲陰虛多寒爲陽虛自誇爲學領提綱之
道究竟僞術相師能愈一大病否夜氣猶存舉生平所治之
證平心自問當亦知所變計也則以知過必改爲第二勸一
一經方效如桴鼓非若後世以地黃補陰以人參補陽以香砂
調氣以歸芎調血籠統浮沉待病氣衰而自愈也內經云一
劑知二劑已又云覆杯而卧傷寒論云一服愈不必盡劑可
知古人用藥除宿病痼病外只在半劑一二劑之間後世如
薛立齋醫按云三十餘劑及百劑效李士材云備參五斤期
於三日奏效此起果服藥之效哉乃病氣衰而自愈若輩貪
天之功而爲已力也余閱其案深憫病人之困於藥甚於枉

桔也則已經萬之療效補述爲第二

傷寒論一百一十三方以桂枝湯一字爲主試看桂枝湯和

平單機無一非養液之品白麻黃湯輕清走表不加姜之辛

熱藥之甘壅從外治外不礙營氣亦是養液之意故統製一

劑分爲三服不必盡劑可思愈後亦無他病近醫言蘇羌獨

荆防蒼芷苦燥辛烈大傷陰氣最陋是吾聞習氣謂二陳湯

爲發汗平穩之劑方中如陳皮之耗氣牛下之耗液性濡如

以此生搗散之則止血卽止汗之驗茯苓滲利太早致邪陷皆所以涸其汗源

此二字余研究十年方悟留邪生熱以致變成煩燥大渴譫語神昏等證

所謂庸醫誤人者此也平水金匱一百一十三方太旨是調

以甘藥四字後世之四君十湯補中益氣湯及四物八珍歸